

Decision no a cay ainda segun director di Vader Piet pero

Manda 2 molina di Urirama pa Vader Piet lo tin consecuencia financiero

ORANJESTAD — E decision no a wordo tuma ainda si ta ubica 2 di e molinanan di biento di Urirama na Vader Piet. Asina e director di Vader Piet Beheer Henk Hutting a reacciona na BON DIA ARUBA ayera. Siman pasa Prome Minister Mike Eman a anuncia cu tin intencion pa move un of dos di e 10 molinanan di biento di Urirama na Vader Piet. Esaki pa complacé e grupo cu ta protesta y ‘suavisa’ e asunto cu tin aworaki rond di e proyecto.

INVESTIGACION

“Un que otro ta den investigacion ainda” Hutting a sigura BON DIA ARUBA. “Gobierno tin cu haci algo cu e mocion cu a wordo acepta den Parlamento, cu ta bay den e direccion ey”. Segun Hutting, ta trata di evaluacion di interes general di e pais unda cu segun Parlamento a keda dicidi cu trankilidad rond di e kapel ta hopi importante. “Técnicamente hopi cos ta posibel” Hutting ta sigui bisa. “Pero e lo tin consecuencia financiero si” e director di Vader Piet ta bisa, sin bisa cuanto exactamente esaki ta. E motibo ta cu e impacto exacto pa medio di e cifranan ainda no ta conoci y ta parti di un

investigacion cu ta andando. “Ta Gobierno ta dicidi finalmente kico ta pasa. No WEB, y tampoco Vader Piet” Hutting ta bisa BON DIA ARUBA finalmente.

EVALUACION DI GOBIERNO

Tabata siman pasa cu Prome Minister Mike Eman a indica cu Gobierno ta evaluando pa trece cambio den e plan origi-

di Alto Vista, keda un area sin cu e tin ningun efecto di e molina di biento. Prome Minister Mike Eman a bisa cu na prome instante e molinanan di biento tabata poni na un cercania di 600 meter, pero a haci un esfuerzo pa den cuadro di esaki manda nan mas patras.

GARANTIA

E mandatario ta garantisa cu no tin ningun motibo pa preo-



Un bista di e molinanan cu ya caba ta na Vader Piet.

nal di pone 10 molina na Urirama y pone ‘solamente’ 8 y manda 2 pa Vader Piet. Segun Eman, Gobierno tin un compromiso pa sigura cu e area

cupacion pa salud. E mandatario a indica cu nan ta bay keda evalua e molinanan di biento aki semper y si resulta cu tin un problema ta kita



E mapa cu ubicacion di distancia di e molinanan na Vader Piet

nan. E molinanan di biento ta poni cu bolts den vloer, kieren den un mitar atardi por kita nan si constata algo. E impacto manera un hotel of refineria tin riba naturalesa, e molinanan di biento aki no tin. E argumentonan ta keda valido a pesnan cu ta biba cerca, pero e responsabilidad den e metanan grandi pa pais Aruba ta keda responsabilidad di Gobierno.

MENOS MOLINA

Segun Eman siman pasa, den conversacion cu e desaroyado nan di e proyecto nan a haci un cambio pa west y e la bira 700 pa 800 meter. Mas ainda ta hibando un otro

deliberacion cu WEB, unda cu a pidi e desaroyando di e proyecto, pa wak te na unda ta posibel, pa mira si por pone un of dos molina di biento na Vader Piet y e ora e prome molina di biento na Urirama of mas cerca di oost pa West, ta 900 pa 1000 meter di Alto Vista. Den henter e area di Alto Vista bo no tin efecto di e molina di biento, tampoco den e bista, solamente si bira cara wak na west, pero ora sinta den e bankinan ta wak solamente den direccion di e kapel. Si por logra e cambionan aki, e mandatario ta kere cu a kita tur motibo pa preocupacion. □